

Årsmelding

Helgheim sokneråd 2025



Helgheim kyrkje syner seg fram i all sin prakt ved Jølstravatnet både sommar og vinter

Helgheim kyrkje er gammal og ærverdig og fyller snart hundre og femti år.

Helgheim kyrkje tek i mot oss i ein kvar livssituasjon .

Helgheim kyrkje ropar til deg, her er eg, kom innom.

Helgheim kyrkje med kyrkjegarden og omgjevnad , gjev rom for fred, ro og lengt.

HELGHEIM SOKNERÅD okt. 2023-okt.2027

vara:

- Hildegunn Huus leiar
- Bjørn Anders Steinsund, nestleiar
- Aud Førde
- Norvald Nedrebø
- Steinar Dvergsdal
- Marit Oddrun Vallestad

Camilla Klakegg
Brita Maria Distad
Kjellaug Bromseth
Astrid Olina Indrebø Sunde
Erna Dvergsdal Krøke

- Knut Magne Nesse Prost i Sunnfjord prosti
- Geir Sørebo

Medlemmer til Sunnfjord kyrkjelege fellesråd frå 2023 -2027

Steinar Dvergsdal
Bernt Kjøsnes

vara: Hildegunn Huus
vara: Inger Johanne Klakegg

Helgheim sokn
Ålhus sokn

Valde til styret for Skei misjonshus:

Aud Førde
Gerd Sunde Førde

personleg vara: Solveig Bolseth
personleg vara. Kari Skrede

Rådet sitt arbeid

Helgheim sokneråd har handsama 29 bokførde saker.
Vi har handsama 31 bokførde fellessaker i lag med Ålhus sokneråd.

Av saker i 2025 Reine Helgheim soknerådssaker nemner vi:

- Generasjonsgudsteneste, eller song mot haust
- Vedlikehald i og omkring Helgheim kyrkje
- Parkområde ved vatnet.
- Arbeid med antependium og frontalar til lesepult og preikestol (gåve)
- Styrke arbeidet i kyrkjelyden, speidarar, barnegospel, torsdagsklubb m.m.
- Offertildelingar (sum offer går ned)
- Sikring mot vatnet ved grindbygget.
- Konsertar i kyrkja
- Dugnadsarbeid.
- Hjelp til planting på graver.
- Konfirmantjubileum for 50 års konfirmantar.
- Trefelling rundt kyrkjegarden
- Gjenoppbygging av uthus som brann.
- Kva og korleis gjer ein det med vedlikehald av taket på kyrkja.

Felles saker for begge sokneråda i Jølster.

- Minnelund/minnelundar, sette i gong arbeid.
- Prestesituasjonen

- Gudstenesteplan.
- Konfirmantfest
- Plan for konfirmantarbeid og trusopplæring.
- Trusopplæringsarbeidet.
- Tidspunkt på dagen for gudstenester.



Faste saker kvart år: årsmelding, rekneskap, møte- og gudstenesteplanar, budsjett, offertildeling, fasteaksjon, 50-årskonfirmantjubileum, søknader om støtte, løyvingar til frivillig arbeid m.m.

Når det er 50-årskonfirmantane har dei sjølve det praktiske arbeidet med mat og sosial samling. Helgheim sokneråd syter for ei nemnd av konfirmantane, som organiserer jubileet. Soknerådet syter for kyrkjekaffi. I 2025 var det konfirmantjubileum 8.september for dei som var konfirmantar for 50 år sidan. Sjølv om ein flytta konfirmasjonane til våren for 50 år sidan, held vi på å ha jubileum om hausten inn til vidare. Grunnen er at det skjer mykje i kyrkja om våren. Men vi får sjå etter kvart.

Årsmøte i 2025 for arbeidsåret 2024 var i Helgheim kyrkje
Årsmeldinga vart lagt ut i kyrkja og på kyrkja si heimeside

ARBEIDET I SOKNET

Det har vore ca to gudsteneste i månaden i Helgheim kyrkje. Vi har mange ulike typer gudstenester, både i kyrkja, i grendahus og ute. Mange av desse gudstenestene er bra besøkte, men det er plass for feleire. Statestikken for året viser at deltakarar på gudstenester på søndagar og helgedagar er stabilt, litt for lågt. Gudstenesta på julekvelden 2025 var godt vitja, det same er påskedagsgudstenesta.

Soknerådsmedlemmer stiller som kyrkjevert på gudstenestene. Dei legg fram salmebøker og det programmet som skal brukast for nemnde gudsteneste, konfirmantane deltek og med dette. Etter dei aller fleste gudstenester har det vore kyrkjekaffi. Konfirmantforeldre og soknerådsmedlemmer har stått for noko å bite i, kaffi, te og saft..

Klokkartenesta og kyrkjetenarjobben ved gudstenester er no slått saman. Solrunn Dvergsdal og Karen Elise Erikstad delar på jobben med kyrkjetener og klokkar ved gudstenestene. Arman Beyer vaskar og støvsugar.

Ved dåpsgudstenestene har fadrane eller familiemedlemmane delteke aktivt i gudstenestene, bl.a. med skriftlesing. Jølster har gode musikk- og songkrefter, og dei har vore nytta både i gudstenestene og i eigne arrangement (sjå kyrkjemusikalsk arbeid). Konfirmantane er medhjelparar ved gudsteneste i løpet av konfirmanttida. Dei deltar blant anna i evangelieprosesjon og eventuelt ved forbøna eller nattverdsutdeling og hjelper kyrkjevertane

Av gudstenester med spesielt inviterte, eller med litt annleis preg, kan nemnast:

- Familiegudstenester i samband med trus opplæringstiltak (sjå nedanfor under trus opplæring)
- Familiegudsteneste på Skei misjonshus (etterfulgt av basar
- Samtalegudstenesta for konfirmantane både i Ålhus sokn og Helgheim sokn er lagt fast til Vassenden kyrkjesenter. Like etter gudstenesta lagar sokneråda, i samarbeid med foreldra til fjorårskonfirmantane og soknepresten, til fest for konfirmantane.
- Konfirmasjonsgudsteneste.
- Utegudsteneste Dvergsdalsstøylen 2. pinsedag
- Friluftsgudsteneste, eller i gammal stove, med folkemusikk i Kjøsnesheugen i juli .
- Olsokgudsteneste i Movika i samarbeid med Førde .
- Generasjonsgudsteneste i august med kyrkjekaffe i midtgangen
- Gudsteneste med konfirmantpresentasjon
- Familiegudsteneste med utdeling av 4 års bok og 6 års bok.
- Minnegudsteneste på helgemessesundag med invitasjon til pårørende til dei som har vore gravlagd sidan sist helgemesse, minnegudsteneste for heile Jølster. Dette året var den lagt til Ålhus kyrkje.
- Lysmesse med konfirmantar og speidararar 1. søndag i advent
- Adventsgudsteneste i Førde 2. søndag i advent
- Julaftangudsteneste

Medarbeidarfest

21.oktober arrangerte sokneråda i Ålhus og Helgheim sokn medarbeidarfest for tilsette og dugnadsfolk i soknet på Vassenden kyrkjesenter, Denne går på omgong mellom sokna om ein ynskjer å ha fest.

Inger Johanne Klakegg leia festen i 2025. Sokneprest Geir Sørebo hadde ei helsing yil opning, og som eit anna bidrag frå dei tilsette framførte Silje Sørebo og Gerd Sunde ein eigenprodusert song. Inger Johanne snakka litt om kva ordet dugnad eigentleg kjem frå, kva det inneber og ikkje minst kor viktig det er at vi er med på å drive dugnad. Knut Skurtveit lags dikt av Olav H. Haugefjør det vart servert fransk bondesuppe med grove rundstykke til. Praten gjekk lett ved borda, og folk kosa seg. Ettr maten hadde Geir Heggheim eit humoristisk tilbakeblikk på orginalar på Klakegg. Det gav mosjon til smileband og lattermusklar. Aksel Roko Eide var sporty og steppa inn p å svært kort varsel og glede oss med fin song. Kjellaug Bromseth hadde laga ein leik der medlemer av sokneråda blei utfordra, og det viste seg at dei var om lag like gode. Som seg hør or bør i Sunnfjord var det dekke eit kaffibord med stort utval av kaker og ein fekk servert kaffi til. Innimellom dei ulike programpostane var det fleire fine

allsongar. Alt i alt var det ein fin medarbeidarfest der dugnadsfolk blei sett pris på og fekk takk for innsat.sen gjennom dei to siste åra.



Jubileumssong - Nynorsk salmebok.

Sjå under kyrkjemusikalsk arbeid.



Elles kan det nemnast at det har vore open kyrkje og tidebøn på Vassenden kyrkjesenter kvar tysdag frå slutten av oktober. Tidebøna har vore kl. 11, med ein kort liturgi (gjerne bønner som vert lesne som veksellesing og lesing frå Bibelen) og orgelmusikk. Her har ein m.a. teke for seg Johannesevangeliet og driv no på med å lese Lukasevangeliet.

Vi har hatt kaffi/te med noko attåt i etterkant av tidebøna, med fast innslag av diktlesing v/ Anne Helene Eide.

Kyrkjemusikalsk arbeid - årsmelding for Helgheim- og Ålhus sokn

Jølster Barnegospel er del av kyrkjelivet med sin song. Dei øver annan kvar tysdag - vekselvis på Skei skule og Vassenden kyrkjesenter. Søndag den 30. mars deltok dei med frisk song på misjonshusbasaren på Skei. Andre påskedag var Barnegospel saman med barn frå VaBa-klubben Vassenden med i den årlege påsksamlinga på Vassenden kyrkjesenter. Vårkonserten var i år 27.mai, og der koret song ulikt repertoar og hadde med mange solistar. På hausten deltok Jølster Barnegospel på konsert i Førdehuset i lag med barnekor frå Førde og Naustdal, der dei fekk synge med den kjende Lisa Børud. I starten av desember hadde koret sin årlege førjulskonsert i samband med anna arrangement på misjonshuset på Skei. Leiarane i koret opplever stor songglede blant borna. Medlemstalet ligg på 15-16 born – fordelt på dei to sokna, og er for aldersgruppa 3.-7. klasse. Øvingane er på Skei skule og i Vassenden kyrkjesenter, og vert leia av Gerd Sunde og Rune Molvik.

Til konfirmasjonane – var det songinnslag ved Cathrin Hjelle Søvdde, frå Førde, i tillegg var Anne Turid Taklo med å sette høgtid med kornett til salmane. Vi må ikkje gløyme konfirmantane som etter kvart har fått « å synge i kor» som del av opplegget for konfirmantåret. Dei øver først til Lysmessa og på samtalegudstenesta før konfirmasjonen. På sjølve konfirmasjonsdagen stiller dei også opp å pregar den store dagen med ungdommeleg korsong. Verdifullt. På konfirmasjonsgudstenesta i Helgheim var det flott song og spel av Birk Sørebo Hauger.

I høve «Jazz på Jølst» i oktober, var gudsteneste i Vassenden. Her vart jasspreget uttrykt gjennom spirituals og gospelsongar. Bjarne Bergheim, frå Breim/Førde var med som solist saman med Erlend Os som var organist.

Laurdagen den 1. november vart det i Vassenden kyrkjesenter markert at det i 2025 er 100-års jubileum for Nynorsk salmebok. Her deltok Hege Alme og Anne Turid Taklo i lag med organisten. Ti- tolv salmar frå ulike kyrkjeårstider og med dei mest kjende salmetekstane frå pionerane av nynorske salmar, som; Anders Hovden, Elias Blix, Støylen og Skard. Dei mange frammøtte fekk her gjenoppdage den store nynorske salmeskatten vi har. Nyare nynorske salmar vi song var av Edvard Hoem og Jan Ove Ulstein.

I desember var det også dette året fleire konsertar i kyrkjene, med tilreisande og lokale aktørar.

JuleSong frå Sogndal hadde nydeleg julekonsert i Helgheim kyrkje laurdag før første søndag i advent.

I Helgheim der den tradisjonelle julekonserten i mange år har vore rundt 3. helga i advent, vart dette året ikkje noko av. Stardalen Mannskor og SkeiVasskoret er for tida ikkje i aktivitet, så vi får håpe på betre tider.

Julaftan i Helgheim hadde vi ungdommelege songinnslag og Aksel Roko Eide. I høgtidsgudstenesta Juledag i Ålhus var dei nynorske julesalmane einerådande denne gongen. Og Anne Turid Taklo på kornett var med å skape høgtid i samspel med organisten til salmane og til pre- og postludium.

Anna arbeid/ andre arrangement i regi av soknet

- Kirkens nødhjelps fasteaksjon i april vart gjennomført som dør til dør aksjon.

Kontakt for Kirkens Nødhjelp: Marit Vallestad

- Andakter/Nattverdsgudstenester på omsorgssenteret på Skei. Kvar fyrste og tredje tysdag i månaden. Vikarprest Reidar Knapstad, Rigmor Frøyen (sokneprest i Naustdal) og fung.sokneprest i Jølster Geir Sørebo har byta på dette. Kantor er med kvar gong.
Frivillige stiller opp for å hjelpe dei eldre med å komme seg til og frå andakten og for å hjelpe til under andakten. Dette er til svært god hjelp.
- Sokneråda i Jølster arrangerte kyrkjelydstur til Ørsta
Vitjing av oppvekstmiljøet til salmediktaren og presten Anders Hovden, og til Ivar Åsentunet.
Takk til Steinar Dvergsdal som hadde initiativet og Astrid og Vidar Feldt som var turleiarar.
- Julevandring for Skei og Stardalen barnehage før jul. Prest besøkte barnehagene i forkant av julevandringa.
- Juletreffest Skei misjonshus 3.juledag
- Sokna i Jølster har misjonsprosjekt gjennom Stefanusalliansen i Egypt (Stefanusbarna og Anafora). Her støttar vi blant anna barnehagar og skuler i slummen i Egypt og utdanning og kurs for ungdom.
- Helgheim sokn er Grøn kyrkjelyd. Som kyrkje er vi kalla til å vere gode forvaltarar av skaparverket, noko som i vår kyrkjelyd m.a. kjem til uttrykk ved at vi:
Vi markerer Skaparverkets dag og andre gudstenester i undring og takksemnd over skaparverket.
Vi sorterer avfall, men det må vi bli bette på, spesielt frå kyrkjegarden.
Vi brukar mindre mengde papir ved gjenbruk av programhefte.
Vi deltek i fasteaksjonen til KN.
Vi har eit grønt misjonsprosjekt.
Vi går på pilgrimsvandring med konfirmantar og engasjement for skaparverket som eit tema på Lys Vaken.

Samarbeid med barnehager og skule – Helgheim

Sidan kommuneøkonomien er stram, var det i år vanskeleg for barnehagane å komme til kyrkje før jul. Istaden vart det invitert til juleteater i Skei barnehage. kyrkjelydspedagog hadde med seg elever frå Sunnfjord folkehøgskule som spelte teater med utgangspunkt i juleevangeliet for barn frå Stardalen og Skei barnehage 4 og 5 klasse fekk besøk av kyrkjelydsspedagog som gjennomførte bibelsporet gjennom 4 skuletimer i kvar klasse. Bibelsporet er eit opplegg frå Bibelskelskapet som skal lære barna forteljingar frå Det gamle og Det nye testamentet.

Arrangement i regi av andre

Jazz på Jølst
SkeiVasskoret
Julekonsert med Julesong frå Sogndal

TRUSOPPLÆRING/ BARNE- OG UNGDOMSARBEID Helgheim 2025

Kontinuerleg arbeid:

Torsdagsklubb på misjonshuset på Skei annan kvar torsdag frå kl. 17.30-18.45. Gerd Sunde Førde, Vidar og Astrid Feldt er leiarar. På torsdagsklubben blir borna kjent med ei bibelforteljing og vi syng mykje. Vi har også ein formingsaktivitet, frukt og tid til litt leik. På mange samlingar får vi hjelp av to og to konfirmantar. Det har vore 16 samlingar inkl. juletreffesten på Skei misjonshus. Snitt fast oppmøte 11-12 born. Det har vore 21 born innom i løpet av året.

Soknerådet vil takke Astrid, Vidar og medhjelparar for flott innsats.

Speidargruppe på Skei (Jølster KFUK-KFUM-speidarar). Gruppeleiar er Åse Britt Eide Øygard og nestleiar er Nils-Einar Kjøsnes. Andre leiarar er Svein Årdalsbakke, Mona Skaiå Årdalsbakke, Dagrun Thingnes, Kari Skrede, Øyvind Skrede, Karl Martin Loe Reed, Stian Årdalsbakke. To ungdommar, frå russegruppe har vore lønna av trusopplæringsmidlar for hjelpe til på speidarmøta. I tillegg er 2 andre vaksne med som hjelpeleiarar av og til. Foreldre og roverar er også med å hjelper til på nokre møte. Speidargruppa på Skei har no ca. 80 born i alderen 10-18 år, og 10 medhjelparar. Speidargruppa har også i år hatt eit aktivitet år. Misjonshuset vert brukt til møte innandørs, og til lagerplass for utstyret til gruppa. Onsdag er fast møtedag. Speidaren er også på overnattingsturar og andre turar i løpet av året.

Jølster Barnegospel er eit tilbod for 3. – 7 klasse. Gerd Sunde Førde dirigerer og Rune Molvik akkompagnerer på piano. Av praktiske omsyn øver koret i to grupper, ei på Skei og ei på Vassenden, men koret opptre samla på framføringar og arrangement. Skei barnegospel har øvingar 1,5 time annakvar onsdag etter skuletid på musikkrommet på skulen. Barnegospel på Skei har hatt 15 øvingar i løpet av året.

På våren var det med 9 born frå Skei-området, og på hausten var det 8 born.

Samla medlemmer i Jølster Barnegospel per desember 2025 var 16 born.

Aktivitet vår-25:

Jølster Barnegospel deltok på basar ved Skei misjonshus i mars og påskesamling ved Vassenden kyrkjesenter i april. Koret hadde vårkonsert i slutten av mai.

Aktivitet haust-25:

Jølster barnegospel deltok på konsert i Førdehuset med Lisa Børud i oktober og koret hadde førjulskonsert tidleg i desember.

Til slutt: Det kontinuerlege barne- og ungdomsarbeidet er svært viktig for kyrkjelyden og for nærmiljøet. Leiarane legg ned ein formidabel innsats og mange av dei har stått i dette arbeidet gjennom lang tid. Både speidargruppa og torsdagsklubb/ søndagsskule kunne gjerne hatt fleire leiarar. Om du sjølv kunne tenkje deg dette eller kjenner andre som kunne vore utfordra, må du gjerne ta kontakt.

Haustakkefest på Speidarplassen på Skei



Tidsavgrensa tiltak

Samarbeid med barnehager og skule – Helgheim sokn

Sidan kommuneøkonomien er stram, var det i år vanskeleg for barnehagane å komme til kyrkje før jul. Istaden vart det invitert til juleteater i Skei barnehage. kyrkjelydspedagog hadde med seg elever frå Sunnfjord folkehøgskule som spelte teater med utgangspunkt i juleevangeliet for barn frå Stardalen og Skei barnehage

4 og 5 klasse fekk besøk av kyrkjelydspedagog som gjennomførte bibelsporet gjennom 4 skuletimer i kvar klasse. Bibelsporet er eit opplegg frå Bibelskelskapet som skal lære barna forteljingar frå Det gamle og Det nye testamentet.

Takka vere eit aktivt trusopplæringsutval har vi dette året fått gjennomført alt av planlagte tiltak i trusopplæringsplanen. Alle born i alderen 0-11 år har fått ein invitasjon til minst eitt trusopplæringstilbod dette året.

Prest har gjennomført dåpssamtalar med alle dåpsforeldre. Alle døypte får dåpslys og dåpsplakat. Dåpsforeldre får ei fin dåpsminnebok som gåve frå kyrkjelyden. I kyrkja står det eit dåpstre, der vi heng opp ei lita tredue for kvart barn som blir døypt. Dette er ei påminning til kyrkjelyden om å be for barna, og dua vil seinare bli gitt tilbake til barnet.

Det var invitert til babysong på Vassenden kyrkjesenter både på våren og hausten. Det er alltid nokon som kjem (ca 6 i snitt?), men oppmøtet litt varierende og få frå Skei-området dette året. Erlend Os har spelt til mange av samlingane. Solveig Magnhild Lesto har stått for kaffi og mat ved babysong heile året. Ein stor takk til ho som har gjort dette i fleire år.

I starten av november inviterte vi alle 2 og 3 åringar i Jølster til 2og 3 års-samling med dueslepp på Helgheim kyrkje med drama om Berta og Bestemor og kveldssongar og bønner. Borna som enda ikkje hadde fått tilbake duen sin, fekk hente denne no og alle fekk

kvar sin spelleengel med kveldsbøner på. Etter samlinga i kyrkjerommet var det lunsj og lek. Ei hyggeleg samling.

Samlingane for fireåringane i Jølster med utdeling av 4-årsbok hadde Helgheim og Ålhus kvar for seg. I Helgheim var laurdagssamling på Skei misjonshus og gudsteneste med bokutdeling på søndagen.

Alle 5-åringane i Jølster vart invitert til hausttakkefest på speidarplassen på Skei der dei fekk utdelt matboksar med «O du som metter liten fugl» og plakater med ulike bordbøner. Etter gudstenesta var det utlodding til inntekt for speidaren, og høve til grilling og natursti.

Samling for 6-åringane: Gudstenestene med bokutdeling til 6-åringane hadde Helgheim og Ålhus kvar for seg. I Helgheim sokn hadde borna ei samling på misjonshuset i oktober i forkant av gudstenesta. Søndagen etter var det familiegudsteneste med bokutdeling i Helgheim kyrkje (samtidig som 4 års bok). Det kom 10 born på samlinga på Skei.

6- og 7-åringane fekk også innbyding til juletreff på Skei misjonshus.

Påskesamlingar for 8-åringar: Borna vart invitert til to samlingar etter skuletid på Skei misjonshus og deretter palmesøndagsgudsteneste i Helgheim kyrkje med utdeling av påskekalender. Det kom 13 born til samlingane på Skei.

Tårnagenthelga i juni for alle 9-åringar i Jølster er stasjonert i Helgheim kyrkje. Tårnet, kyrkjeklokkene og kyrkja sin bursdag er sentralt i opplegget som går over to dagar, laurdag og søndag. Borna deltok på gudsteneste søndagen.

Kode B: 10-åringane vart invitert til to samlingar på Skei misjonshus i januar og deretter utdeling av «Actionbibelen» i familiegudsteneste i Helgheim kyrkje. Det kom 11 born på samlingane på Skei.

Tårnagenthelga for alle 9-åringar i Jølster er stasjonert i Helgheim kyrkje. Tårnet, kyrkjeklokkene og kyrkja sin bursdag er sentralt i opplegget som går over to dagar, laurdag og søndag.

Kode B: 10-åringane vart invitert til to kvardagssamlingar på Skei misjonshus, og utdeling av «Actionbibelen» i familiegudsteneste i Helgheim kyrkje.

Lys Vaken: 10- og 11-åringar frå heile Jølster vart invitert til Lys Vaken leir (frå laurdag kl.16 – til etter gudsteneste søndag) på Vassenden kyrkjesenter midt i november i samarbeid med speidargruppa. Det var 20 påmeldte, men ikkje så mange frå Skei som det har pleid å vere. Speidarleiarar og trusopplæringsutval bidrog som leiarar i lag med ungdom frå russegruppe. Barna bidrog i gudstenesta og hadde utlodding med gjenbruksgevinstar på kyrkjekaffien etter gudstenesta. Inntektene gjekk til kyrkjelydens grønne misjonsprosjekt i Egypt

Soknepresten har hovudansvar for konfirmantane. Etter at Silje slutta som sokneprest i september, har bispedømmet hyra henne inn for å halde fram med konfirmantane i fravær av fast sokneprest. For konfirmantkullet som skulle konfirmerast i 2025 var det på våren

klubbkveldar, konfirmantleir på Alværa i lag med konfirmant frå Naustdal, fasteaksjon, samtalegudsteneste og konfirmantfest og konfirmasjonar i begge kyrkjene. Dette kullet har også hatt eit tilbod etter konfirmanttida med konfirmantreuinon i juni i prestegardshagen på Ålhus i lag med Naustdal. Stort frammøte på dette. Vi prøvde å invitere til nyttårsleir for dette kullet på Alværa ilag med Naustdal og Førde. Det var i utgangspunktet mange påmeldte. Dessverre måtte vi likevel avlyste fordi mange av ungdommane meldte seg av like før.

I august (som i dei tre tidlegare åra), veka før skulestart, vart det arrangert introkurs for nye konfirmantar. På dette kurset hadde Silje med seg ungdomsprest i Sunnfjord, Fredrik Brattvik noko av tida og sommarvikar frå Danmark noko av tida. Konfirmantane frå Helgheim og Ålhus var samla på dagtid gjennom fire dagar. Dei var to dagar Vassenden kyrkjesenter, ein dag i Helgheim kyrkje og ein dag var dei på pilegrimsvandring frå Årdalen til Ålhus kyrkje.

I løpet av hausten var konfirmantane inviterte til tre klubbkveldar på Vassenden kyrkjesenter. Ungdommar frå ei russegruppe har vore med som leiar i lag med Silje og foreldre har bidrege på kjøkkenet. Fjordårskonfirmantar har også vore innom. Det har vore leigd sal i hallen på Vassenden, slik at konfirmantane har vore der på starten nokre av kveldane. Så har dei etterpå gått til kyrkjesenteret for måltid, før ein har avslutta med samling i kyrkjerommet. I tillegg til klubbkveldane var konfirmantane i oktober på konfirmantfestival på Sande. Denne festivalen er i regi av prostiet/KFUK-KFUM og er ny av året.. Her møtte dei eit ungdomsteam frå bispedømmet («samanteamet») og farmen presten Thor Haavik, og dei kunne delta i mange ulike aktivitetar og var med på globallop.

Alle konfirmantane var også samla til lysmesse 1. søndag i advent i lag. Elles har konfirmantane vore medhjelparar ved gudstenester og ved barneklubb på Vassenden kyrkjesenter og på Skei misjonshus. No denne våren 2025 ventar m.a. fasteaksjon, klubbkveld i Naustdal. Det har vore konfirmantleir på Alværa i lag med Naustdalkonfirmantane.

Vi har stort sett ganske god oppslutnad om trusopplæringstiltaka, men vi ser at tiltak som er felles for heile Jølster oftare har lavare oppmøte prosentvis.

Trusopplæringsutvalet, dei to kyrkjelydspegadone, soknerådsmedlemmer, prest, kantor, ungdommar frå russegruppe, føresette, besteforeldre og frivillige har teke del i trusopplæringsarbeidet og konfirmantarbeidet. Ein stor takk til alle som har bidrege, og spesielt til medlemmene i trusopplæringutvalet som har gjort ein stor innsats med å gjennomføre ulike tiltak.

Representantar i trusopplæringsutvalet frå Helgheim sokn er Camilla Klakegg, Karen Elise Erikstad, Silje Sørebo, Rune Molvik og Gerd Sunde Førde.

Skei Misjonshus

Misjonshuset er viktig for det frivillige arbeidet i soknet og er i praksis Helgheim sokn sitt kyrkjelydshus. Soknerådet vel to medlemmer til styret, med to vararepresentantar. I 2025 var dette Aud Førde, med vara Solveig Bolseth og Gerd Sunde Førde med vara Kari Skrede. Svein Årdalsbakke er leiar i styret for Skei misjonshus. Huset vert nytta til møter for soknerådet/råda

Skei Misjonshus er ein 40 åring i god stand og har fine fasilitetar til det arbeidet som vert gjort i soknet, som ein ikkje kan gjere i kyrkja.

Informasjonsarbeid

«Det skjer» i Firda. Her legg vi inn gudstenester og annan aktivitet i Kyrkjene i Jølster. Eit lite utdrag kjem i papiravisa. Bruk Firda si nettside,»Det skjer» dersom du har den,» der står det alt vi skriv inn.

Vi må også bruke andre kanalar for å nå ut til folk med kva som skjer i kyrkjene, aktivt. Hyrdringrøysta vil framleis vere ein viktig kanal, ilag med plakatar, nettside og facebookside.

Sekretær Toril /eller webansvarleg for Sunnfjordkyrkja Joy Taylor sørger for at nettsida kyrkja.no/jolster og kyrkja.no/sunnfjord er oppdatert. Sekretær Toril og kyrkjelydspedagog Silje oppdaterer Facebookside (kyrkjene i jolster) sekretær lagar og heng opp plakatar på oppslagstavler.

Men det er også viktig at soknerådsmedlemmer og andre i kyrkjelydane er med å gjere arrangementa kjent og dele på facebook og andre aktuelle informasjonskanalar.

Hyrdringrøysta

Redaksjon: Hildegunn Huus og Ingrid Søyland.

Soknerådet vil takke for godt utført arbeid. De gjer ein kjempejobb med å tenkja ut stoff, få villige personar til både å skrive og delta med ulike innslag.

Sunnfjord kyrkjelege fellestråd har teke over rekneskapen til Hyrdringrøysta.

Framleis er det få i høve til kor mange som får bladet, som betalar frivillig kontingent. Det har vore til god hjelp at mange har vore villige til å køyre rundt i grendene og leggja bladet i postkassane. Har på den måten spart utgifter til porto. Dette tiltaket er med å sikre økonomien til bladet. Hyrdingsrøysta er viktig for å gjere kjent det ein gjer i og for kyrkja.

Statistikk

Helgheim sokn	2025	2024	2023
Innmelde i kyrkja	0	1	0
Utmelde av kyrkja	1	0	2
Døyppte	18	10	9
Døyppte heimehøyrande i soknet	8	7	3
Vigde	7	1	4
Gravlagde	10	12	15
Konfirmerte	6	15	16
Tal gudstenester søn- og helgedagar	26	27	26
Deltakarar på gudstenester søn-og helgedagar	2098	2268	1984
Gudstenester med nattverd	17	18	25
Nattverdsgjester	367	423	367
Familiegudstenester	7	7	
Deltakarar	585	527	
Julevandring for barnehagane	1	1	1
Deltakarar			50
Skulegudsteneste	-	2	1
Deltakarar	-	345	135
Musikk gudstenester /konsert lokale aktørar		1	1
Deltakarar		164	250
Offer / kollekt i kyrkja	74862	71615	84211

Rekneskap Helgheim sokn 2025

Helgheim Sokneråd har hatt møte på rekneskap og budsjett.

Men her skal det gjerast nokre mindre endringar, så den vert lagt fram på årsmøtet.

Aktivitetane som vi har hatt i gong dei siste åra er i godt gjenge, takka vere flittige og dyktige frivilljuge og tilsette.

Soknerådet sitt mål må vere og minst halde oppe den aktiviteten som er og gjerne putte på med litt meir. Men soknerådet treng å få innputt frå alle andre.

Skulle vi prøvd med ein song og lett trim kveld i kyrkja.

Frukost gudsteneste?

Prøve å bruke merkedagane i året litt aktivt i kyrkja.

Kyrkja er god til konsertar og bør nyttast til det om ein greier å få økonomi i det.

Kyrkjekviss med kveldsmat?

Tek med nokre utfordringar biskopen gav oss som er aktuelle utfordringar kvart år.

- Gå til gudsteneste regelmessig, fordi det er der de høyrer til, fordi de treng å høyra evangeliet sagt til dykk, og for å gje Gud ære!
- Styrk og hald oppe det trusopplæringsarbeidet de no har.
- Forkynn fram gjevargleda!

Helgheim sokneråd vil rette ei stor takk alle som har arbeidd i soknet dette året, både dei tilsette og dei som legg ned eit stort frivillig arbeid.

Vi opplever at kyrkja betyr mykje for mange.

Takk for all omsut og forbøn for kyrkja og kyrkjeleg arbeid i Helgheim sokn.

For Helgheim sokneråd

Hildegunn Huus